

沈乃文 主編

明別集叢刊 第二輯

第一百冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第一百冊

黃山書社



(明)劉鳳撰

劉子威集五十二卷

(卷四十五至五十二)

明萬曆刻本

劉子威集卷之四十五 太霞草之十

長洲劉鳳子威著

陳處士達甫墓志銘 孫禕亮鴻英校刻

發爲沃壤舊矣邇益興於文學則勁彊剛槩之氣憤盈昌作肆其所至是宜有恢恣卓詭之士出焉則有若陳達甫者其人乎蓋始生有睿資父爲文學先生浙途所經卽能辨其方名迨七歲日誦憶千言人驚幼慧十餘歲往來鄱陽覽舊事慨然長思固朗詣不可羈令爲仲兄春秋

劉子威集

卷之四十五

一

學操牘爲文意慕古卽已詞多伉舉與衆之異咸駭笑謂是可施之何等迫省其父沁水濟江淮轢晉之郊其所覽觀益能發舒遂盡出篋書讀之若有所當謂可誦法且極吾力所能何足難者時評事常倫有負氣名一見極相然許值仲兄與計偕父謝歸命以誦通試博士非其好也又以今所都諸生業至淺膚然猶以倖冀不專爲工卽使吾執經稱弟子問難有所發明何者不可而齷齪以語言相藉爲賴則雖欲有於

是其若之何旣仲氏推擇守睢而父亦行老決意謝去師氏惜之固請留謝以書道已所爲去者三自昔人所爲文或散落雖欲汰之故存之耶而士以行義表著不當其身逸樂幾後乃名其先有善而弗彰聞是胤裔之事也吾寧爲竊資落吾事哉故遂放驚恣睢直行其意游於是始瀾曼忘所適必欲車轍之及無餘地焉以取快一日然未暇遠聊自粵返郡之水所被帶者六又夢中栩栩然御風遊黃山名天都者軒帝所嘗息室中漏斗下射則丹陽之分也故皆託以名自其謝也人愈益向之士大夫之喜事者四方出途者爭願識而郡亦翕然知其隱德至行爲之興則有若數公者皆有名實當世而長弟許諾以文義見推於是時也相與講藝論業相勉以綴學相語以垂之後不朽觀汪司馬所著論則郁郁乎漸漬於俗哉而性本夷淡紛華榮利干請不盪胷中去矜之悖徹意之蔽解形之拘通時之塞惟陶於酒醉而醒無虛日人以

劉子威集

卷之四十五

二

其遜也歷擬古高蹈若榮啓期拾穗行吟非
嗣之而焉也御史大夫蜀張公按部以文爲公
壽卽禮所謂國有福事則慶賀之者也顧今有
行之者乎故又以此賢兩公公於文自其性所
嗜旣博取之而卒歸於漢於詩始學鮑謝又進
而建安以上則汪司馬實云况天假之年優游
山澤得恣其力而一時倡導使咸自奮遂風焉
雖始學者皆高談太史左氏無復以宋儒爲者
公之功盛矣哉卒年八十有一父沁水公名某
母某氏妻某氏子二篇初爲經生以食公棄去
筌舉於鄉先公一年卒婦某氏某氏孫男某某
篇遠致吳子瑞穀狀乞予誌銘予不遑辭銘曰
赫赫厥文昉列元道在昔叶光誕精述造時之
趣作不弘於有昊於顯陳君靈毓所挺抒思連
越談說鼎鼎張矜臆衷言得其旨廸發古始邈
茲遐邇卽雖佚興莫不奮思並式克登年耄期
載靜超超高視比行柴穎篤祐自膺醇嘏非倖
後乃克昌何所不逞望氣東南若有光景爰勒

嘉石昭垂永永

王天本墓誌銘

王君鄞人也其先家於燕山宋季始徙壘水洪
武初有徵爲布政廣東者又有佐郡長沙者失
其世次數傳而有選於鄉者瑤是爲曾大父自
是宗從日盛大父備父鎧母虞皆隱德不曜旣
三舉子不育晚得君念之深君亦幼有成人志
十二喪母事繼母馮謹娶於章嘗從博士弟子
游已乃被推擇爲史卽能傳爰書事諸長者皆
曰王氏子無害也入從事臺卽御史大夫又稱
善以持服歸復詣都預覃

恩得省其父度所以養者無不善凡五年所如
一日也奉終皆以禮追孝無已時居室素有義
恩與章甚篤不置媵婢事同母姊撫遺孤弟親
姻歲時相勞苦雍睦良足稱其交與務盡恭遜
亦不苟隨有所不可必言其情故生平悔吝不
及蓋誠一之所致奉已甚約非所當取雖隱猶
不敢若妄費則一粟亦靳之故以儉漸致饒當

以次補未上久之曰吾所爲效者寧有擇耶遂
行除主郵傳廣之大陂道遇疾歸五日而卒寔
萬曆丙子十月也君名源天本其字年五十有
七子三人長宗學廩於公仲垣與兄同游惟季
示學力田孫男四皆幼垣嘗館予以銘請夫人
所爲宦學非遇不致尊顯昔蕭曹故以掾貴若
張湯趙禹以文法事丞相卒之顯於漢數世此
豈倚故人力耶今君之子將以儒取青紫致高
位大其家方自茲始調非由君之陰行善不可

劉子威集

卷之四十五

五

遂據長君狀爲之銘曰

聖人有言曰規有摩而水有波我欲更之無奈
之何孰制於命而參以謀多孰行揆之而動舉
之與和雖克荷之有而名位終負又以誰咎嗟
王君之受獨昌其後

明故夢雲劉公暨室張氏合葬墓誌銘

予少則聞韓叔暘王仲光二先生名德重吳有
禁方得之丹谿氏再傳爲盛啓東啓東傳之劉
德美當

憲廟時官醫院蒙眷甚厚傳子之訓至孫雲厓
劉子召先生者尤著一時予雅慕向之又聞雲
厓子服仲紹厥緒故以慕雲稱從詢其始則云
自金陵徙與予同所出也雲厓公娶于陳三子
長黼儀伯次則公諱芾季晉出後其叔公少學
爲儒迨雲厓公歿長兄蚤世公以業之不昌奮
曰吾豈不能大吾門而患家不日益者黃岐言
固無不當迺公意故所傳者書又在也業旣通
精乃發之夢寐昔所嘗從長公治者復構疾夢
公掖起淖汚中策之行寤而思之公乃善醫耶
神告我矣遂謁公治公投之良愈于是翕然謂
公能精藥所善爲方爭走公公固沉默寡言笑
不以詞尚人人或從之論病所由診治逆順爭
擾期決衰愈久近公不應特脉之知可治與不
意解不能形之言病者或過自慎至遍召諸言
方者各以意上下經脉奇咳獨瞑獨視投之輒
不應及公至視之云易耳當與何治而諸君乃
爾衆譁不服去之疾愈侵乃復召公卒如所用

劉子威集

卷之四十五

五

劑而衰有喜方者病雖謁公治叅用已病終不去急乃復詣公曰此昔人所謂五不可治者也奈何任已爲司南也乃聽公治而愈或非可卽愈者及解休不可名者隱曲僻幽脉之蹇縮外引他醫拱手不能知狀公望而知其難易有從公治而一意將護不攻伐以徐俟者不勝欲速輒他請猶視公所投劑不毫髮變而愈者人謂代公受其名公讓不居曰是固精能我何預者蓋爲人聖儒不較少多未嘗矜已自爲功謝其金錢雖厚利委之不顧至甚貧悴者無間寒暑蚤暮亟往視且慰之無謂我憚勞也急人之急又恤所無躬自劬數百里內咸集公門公遍應之其不得前者久之不去必俟公間以有公則生無公則死也性尤篤慎友愛天至初雲厓公不其得年兄復不永遭家不造大母王性嚴難得其意母陳竭所以奉之公慮匱養始經置繕完緝庀資賄給朝夕甘毳且繇征困之則又黽勉作力稱貸益之間復謀其私日不暇前娶於

劉子成集

卷之四

七

陳爲御史公祚曾孫方伯公鑒之姊也繼張孺人父大本以高行聞皆百兩是將悉以佐供饋罄之張孺人手自拮据蓄聚砥礪尤劇傷長姒不予以其次子子之字孤女愛逾已出長適陸君某次適百戶某皆厚爲資遣官笥緘紙無一不手所措公固敦雍睦隆其親靡有於身而孺人亦佐承惟祗何有何亡節縮其恒費以備餉遺虔賓祀於禮咸舉卽公所酬酢必其姻戚他非可與者無得參焉而饗進必旨必腆公雅不嗜飲而必爲客舉醕時談笑道故舊論芝石記山水佳處於燕處夫婦相對儼如也雖蔬食敬若齋豆在前蓋習而安之哉公四十所醫始著業乃日昌其據脉書守經論似厥祖而湯液案熨和劑變通視雲厓所自得則出於精思非可度量且履行醇和人望而知其長者邑大夫閩陳侯親造請匿不見乃表其里郡行鄉飲酒禮欲賓之亦不肯就非有所矜抗而介性純固不易有古逸士風又不標峻爲名高是所謂隱德

劉子成集

卷之四

八

哉子三人長君某應三公辟爲諸貴人治無不
應手愈俾承四世裔官奉御堅欲留之念公老
不肖力勾歸次君某少則爲人診有聲其治效
大都視兄季某素嬰疾鮮死女四人長適吳澤
卒陳出次適某某皆張出長君娶張工部郎
嘉玉孫孫二長某娶王太學女次某娶韓澧州
孫孫女一適郁紹芳嘉遇娶張卽母氏宗女孫
女二一適陳嘉言一尚幼光遇娶張繼周孫二
輔世尚德尚德後嘉遇曾孫男一人用世出未
別二風集 卷之四三 九

名公生弘治甲寅卒萬曆甲戌年八十孺人生
正德丙寅卒萬曆癸未年七十有 卜以十三
年乙酉 月 日合葬於吳縣清流原祖塋之
次以長倩陸君所爲狀請銘於予不得辭謹撫
其實而銘之銘曰

猗與隱君敦允和醇自其性成嗣德膺緒綏厥
寵禎昭祐罔不是承維遙裔繩繩師韓傳方百
世爲精有赫伊劉盡受盛所是繹是紬俞咨襲
休診候日陬天浮氣游奧渫并流改興遞脩目

營知周越昔秉昇疇不藏肆曷日宏月肆惟我
矯奮風何懿懿遠婉彼僂貸季有婉淑似播厥
芳懿吳光宣勸迪哉典御爰洎哲弟應古所記
摯隆惟親卜茲幽窀體象言詢兆發貞繇習祥
乘晨宜爾子孫予銘爾壘千祀于新用靡有屯

錢母陳太宜人墓誌銘

吳之城曰盤門者蓋由古也予往寓於是則聞
有陳翁錢翁陳素長者晚再娶於吳生太宜人
故吳以抗節爲貞母太宜人生而貞母教之女
儀甚嚴備自少凝一敦固不妄言動齊敬之有
焉旣女於錢則婉順以共婦事何有何無力相
爾室竭所以毗贊者溫溫終日畧不見喜愠雖
事有拂其衷不爲之動使忿言於前若罔聞其
可喻者曉解之其譁不已爲之驚至沉疾發動
禱且治積久乃愈亦終無恙此其惠慈之性有
能爲之易者哉錢翁蓋篤行君子刑於家率踐
無不在禮顯相之以太宜人復盡其雍肅故其
家訢訢如也里中惕其義多範無所不用誨也

劉子威集 卷之四三 一

弟子學於錢翁者皆自名家太宜人之子曰部君幼以警敏聞方孺子戲於庭則訓之曰禮蟻子無踐謂有血氣者弗忍也此可以知愛可以廣仁隣所與嬉者不習爲禮懼染不能徒避之可與朝夕乎不令下階窺若所爲復勵之曰吾所藉以慰吾母望子姓者實在爾爾不忘二氏寄暇自逸哉故刑部君於學尤力太史華先生名知人一見奇之盡傳其業未弱冠已名溢人耳使者都士輒先之又試於他所亦無不先

劉子成集

卷之四十五

二

每一文成爭購寫爲式遂聯舉進士官於

朝逮養及其大父與太宜人之母咸歡豫得所爲承順者人謂爲善能食其報旣而喪之各三年戚容有穆其哀感人長姒顧女弟適朱咸寡而有志節白錢翁養顧姒至於歿而送之返其兆虞山妹朱爲之館而廩之又命刑部君繼廩又爲之窆人不知其絕屬也其所惠利人固不爲費惜宗從有不能家者錢翁見而嘆息宜人爲資於行子錢家助之娶若所週匱急人之急

姻戚待之舉火者恒不絕宜人傾資佐之而又爲之繕完以續此其儻好施丈夫所難況閨帷間哉方錢翁病劇憂悴恍惚夢媼曰無大傷而歲亦與之埒乃悟死生之分爲之齋哀果越三歲疾作輒已復甚惟撫二孫而嘆不及見其成名可謂不怛化也已距生弘治丁卯十二月六日卒萬曆壬午五月二十九年七十有六子一卽刑部君名某娶蘇封宜人女一適某孫男二汝桂娶潘汝槐娶宋皆太學生孫女一適某

劉子成集

卷之四十五

十二

曾孫六

云

刑部君卜以癸未十一月之吉奉

太宜人附先大夫存耻翁之穴於吳山南麓述行畧命某銘之某不得辭銘曰

於維德始虞麓之莅洎盤之墟聿興爾勛惟祥是臻弘於昌嗣順茲婦則貞惠其視鬱爲禮宗義教焉穉慈靖能母弱履之肆靡不夙夜竭躬敬事疏匱振乏漸浥逮暨爰周贊隆厚仁渥施抗潔秉方遐不用許繫繫其光風之攸被溫溫其恭天惟篤昇穰穰其庶式穀爾詒詒之典法

昭玉以志詒之茂胤支息以植遵循罔極惟百世食有隄者崗宛筵吉隧萬祉報祐靈慶斯閔沛沛洪流臨擬前系勒頌徽音惟後之庇

勅封孺人沈母陳氏墓誌銘

代之盛昌時乃得老壽以歿而惟節烈貞義稱焉若不立行徒保而世者何算也吳有賢範人望而惕如季文伯母者沈孺人之謂乎孺人出於陳其先以直顯有功伐母施與父繼歿遺孤藐然及兄曾皆鞠於王母鄭沈刑部失其儷繼

劉子威集

卷之四十五

十一

室以孺人時方游鄉校試誦通且養焉舅姑性嚴重庭內翼翼孺人盡卑敬蚤晏承事和甘視具奉以慎齊雖勞無怠容乃大當意外咸謂能爲婦者又時時勸刑部君學曰作業請無問婢子力以給男子卽取顯名揚其親耳時寧待乎故刑部君益篤勵丙子遂與計偕上罷歸舅令與季異居素不饒又中析刑部君惟誦習務持立門戶皆孺人躬自鞠勤如此者竟十年得成進士丙戌筮仕桐廬故岩邑民易令不可以

惠綏旣出身奉職官下不暇顧私孺人尤盡所以贊佐乃以增異移海寧不上歸持母服再補博野則博野治以獻最得封其親榮矣比入爲刑曹則以明習法令聞俄有貴臣下請室通輪直已受代

上欲抵嚴并坐刑部君不牽引代者自承之斃杖下事在朱冢宰所爲誌中孺人驚恒殆不欲生時冰雪載道號且行間關千里纍纍以數口奉喪歸觀者爲掩泣顧益治產盡出服御需之

劉子威集

卷之四十五

十四

買田擬給又爲縣繇之困慨然命其子曰而父志業未伸而豈安吠畎者但刻意學吾猶能爲汝營何患不致饒又將以儉無不可貴者居舅之喪繼喪女婦其爲慘悴劇雖不足更費愈復砥務積聚居故隘稍廣之子淹名途數上不偶尤諳於訓有家性疊疊沉思淪至孺人每以古大義激勵陳說經史事先君之思以勗我後暨諸孫長咸學之儒晚更時俗紛華嘗非薄之歲時姻戚相過以禮接退皆幸有法式子已七十

餘朔旦奉觴上壽孺人垂九十尚視聽無爽怡
怡如也相傳爲盛事是化之暢融宇內故多耆
壽然若孺人賢尤可表見風勵來者豈徒顯閭
閻間誠有烈丈夫氣卒萬曆之癸未七月九日
得年八十有九臨歿惟以子未膺辟命諸孫且
未選造爲未光先業言不及他此其志恒欲紹
承不忘所寄者故其子文學君敘致始終之節
謂孺人有超踰者六謂幾未萌有先事戒才用
奇勝有操縱權濟以立斷無濡忍志所建非邇
劉子成集 卷之四十五 五

圖慈惠逮人而持已介嚴也若其言足爲教身
行可則其儉勤甘淡泊未嘗妄一錢費此尤今
所難者子一娶趙繼陳女適某先卒孫男三應
斗郡諸生娶周應輔娶鄒應丞未聘曾孫男三
人孫女二人玄孫男一人卽以其季冬二十五
日合葬於刑部君之域乞銘於余余以孺人之
行皆可書是當傳之百世爲儀刑大夫士家內
行若此不足爲吳重耶故爲之銘曰

吁嗟媛兮植行維類遑不云備順茲柔德作嬪

余昇惟敬恭視紹事克貳以勿墮墜亟承之
勩明慧孔哲子養不其廉吏俾底致之棘艱
克祗平之惟天子使無不彰尤異實右相之所
稱逮震凌之方異靡有怛而失以靡有廢而不
治罔夙夜是力跋涉顛躓云誰之步行道之人
而哀其秉志匡迥詔亮爰定昭嗣奮而復起弘
於其始哀我瘁人慘慘育字載恢載肆百世之
伺休有烈光罔不用許幽闕云閱孝思不匱尚
徵茲銘華聞之費

劉子成集

卷之四十五

十六

明進士查允德配顧孺人合葬墓誌銘

夫士有所以沒豈惟延促哉若婦能持志節卽
富貴顯榮與貧悴何論哉少涇查君懋昭蓋進
而不遂者查爲吳著姓自南唐尚書文徽至宋
殿中元芳龍圖道祠部陶造以功名顯我

明湖州學訓諱誠貴者始來居吳五傳而爲君
父都督府訓導諱應臣是爲涇南公公之上兩
世皆贈叅政以弟方伯君應兆貴母陳氏御史
祚之孫方伯鑒姑也涇南公長子懋昌方伯公

子懋光皆舉進士爲郎君始承父兄之烈讀書
爲儒時且少隨父宦學遂爲順天弟子貞卽順
天都諸生嘗在高等而未上至庚子始獲薦辛
丑復下邳來吳予得識之其才實雋爽意洋洋
得也謂一第可唾手予亦尚其氣與相愛旣迺
復北明年壬寅夏遂卒嗚呼惜矣君娶於顧視
予爲女姪之姓孺人海上大家女祖悟陽公謚
以進士起崇明父明威公春有義烈名孺人歸
於查雖世有宦業而舅以兒醫游貴侯間夫方

劉子威集

卷之四十五

七

刻厲日呻吟學誦孺人治餼供饋大當舅姑意
追勉有無躬執作佐之不見其匱以故夫能專
志無內顧憂旣素膺疹羸形勞則疾動孺人竭
所以奉之始得上名而遽罹大故以喪歸葬之
日孺人盛年子女俱幼稚家益落鞠育之尤益
盡瘁以女紅自給足不出閨闔者終其身雖古
稱貞義者何加焉夫人願少有槩見卒不能雖
老焉何益乃少壯有所建雖不竟可哉使彼其
逸樂且壽與彼艱危其身而多遭罹者較所獲

則不可同語矣少涇止三十有五未爲徒也
孺人之節益於君無憾發居而姻媾未嘗失所
長女適參政吳愈孫福安尉諫子志弘娶於監
察御史蔣詔次女適文太史徵仲孫元弼皆當
世名公因學其子於文太史所方驚於名塗故
凡爲名者得盡交之少涇君生正德戊辰孺人
生庚午卒君後三十九年萬曆庚辰志弘以某
月日舉孺人合於君穴騎龍山之原勒之銘曰
士也而以名通匪直升於射宮抑亦以亢其宗

劉子威集

卷之四十五

七

幸爲時所崇其得也已豐雖膏於年其究也則
同女行必著於困窮厲危苦以躬必敬戒以保
素風申儆於天之不可叨而撫孤焚禮範是從
而克有終茲文貞石焉礱千百世何恫

文學陳啓之配張碩人合葬墓誌銘

始余見陳啓之古詩亟稱善然未及覲也嗚呼
乃今啓之歿踰十年所矣若啓之蓋有好之士
哉夫陳之初由太丘故望潁川世居吳有顯者
至其父某娶李生四子一庶出君其季也能言

父授之詩則解誦父奇之成童時令學於蔡九達先生累旬足不下樓蔡亦才君作進學序以勸蔡雅有名與諸名勝游君因得侍几杖往來諸公所諸公亦折行與交中不無歆動益緝綴篇什希有以當其意者蔡故高視其所名古人不少假君游志愈廣詞徒靡不窮蔡官南都往從之作月詩數十篇諸公皆和焉彌嗜古力學有抗當世心年出三十始業舉子再試不利以貲入國子大司成見卽器重進與論藝題諸生

劉子成集

卷之四十五

七十九

多願與游逮省中貴人亦爭欲識君五石山人名遂一日沸繼以家有戒歸歸亡何病以卒若有使之無淹久於外者配張碩入父某公蚤世母陳蓋寡而育碩人訓之女教故碩人歸而善事舅姑宜於諸娣姒及遭大故陳君哀毀殆不勝喪顧惟碩人黽勉有無治絲枲緘縷累簪屑糗幾其內外咸秩諸執作者所肆無敢苟嬖御人爭勸就功積餘藏羨蓄峙取盈如此者二十

年陳君得無內顧憂大抵入羸出少重守慎流

亦其性然第不欲漁利也故僅謂給家通衢客相過者衆碩人必視其人長者爲饗饌惟謹他少年俠游者皆前謝之束脩之問不出境故人亦無敢跡陳氏門君旣得令妻伉儷甚篤於其家雍雍如也於諸宗黨皆有恩業蔡先生幾盡得之詩多擬建安以來語或驚挺故不入時卒奪於爲博士家言未竟所至也有集若干卷君名宏策生正德癸酉卒隆慶庚午碩人生甲戌卒萬曆庚辰子一潋女一適徐孫男一嫔周孫

劉子成集

卷之四十五

二十

女一尚幼潋卜以辛巳十二月十六日合葬於寶華之麓以其從子某狀來請銘余觀陳君才足以聞然終翳者何由前數君子者歿不能發明陳君後進喜名者皆以食羹之餘邀致唇舌簣鼓一時陳君視之何有哉且彼終遺玷缺不能保不足陳君齒冷也爲之銘曰

允文載德昭茲諒醇天質深至弼躬斷斷淵漠篤衷風懿茂臻誕惟嗣徽靈軫肇種鴻曜齊烈劬勞日稷厥勤伊何敬是勗亦旣依仁永言

踐閭淹漬芳腴靖邁匪亟薄棄誇毗祇爾
不遐有羨惟克自抑亦曰觀乎晨始伏軾惟
人士咨嗟願識京夏煌煌榮聞倏起惚遽云旋
庸詎遏止敦用惠荅越廼貞似夙興是力建又
庭宇庀我卽功迄無壅底光啓爾輔駿發百祉
穆卜斯燕後以永視聲範實垂燕爾孫子

鄉進士怡椿吳子輔墓誌銘

吳世爲吳江著姓其初吳之諸公子也以國爲
氏播遷於汴復還吳有千一公者七傳而爲贈

劉子威集

卷之四十五

三十一

太僕卿諱璋以孝子名是生司寇公諱洪司寇
公四子長山相繼爲尚書其季諱春爲嚴州守
子六人其中子諱邦相則選造君也嚴州公凡
三娶君爲沈孺人出生而有異姿巖然魁岸出
群兒嚴州公撫之喜曰兒他日紹爾祖無隕前
緒甫就外傳學誦所記憶獨多爲博士家言卽
亶亶有思致遂以選隸弟子籍屢試未上尤自
激昂謂一弟何足云者嚴州公哀其志曰孺子
良苦少休矣爾何所不逞豈惟是焉藉因謁大

司成與胄子遊果以歲辛酉選造與計偕嚴
公喜曰吾固謂此子也才今不信哉往吾嘗謂
諸子吾世衣冠裔而曹寧降在庶人能奉吾嗣
耶吾無以旌爾特所爲圖自得謝歸卽優游其
間而能奮興當授之圖徵所以後我者昔人卜
嗣爲符藏之中山是圖卽吾之中山歟選造君
固讓卒命之曰而與吾居吾始者言莫不聞矣
而曹寧悖吾遺令哉故君得日供養於前所以
順適娛悅之度無不爲又恨不得追孝於前母

劉子威集

卷之四十五

三十二

氏所以奉洪淑人歡尤竭其力洪淑人亦安其
養不知非已出也丁卯嚴州公病不脫冠帶而
養色憂爲之瘁及大故哀毀如不勝喪亡何洪
淑人亦相繼歿喪之甚感動無違禮旣而慨然
以思父所以立行以清慎著不聞以賄名吾何
事者惟日取所遺書讀之訓迪誨勵其子以無
忘先業且也而世爲卿族今漸替矣吾諸季有
仕者皆不獲年吾何幾之預有矜抗自其家性
而簡淡夷易不爲城寓苟與交必雍容揖讓不

以氣凌人特深自閔不輕有所詣近浮薄與時
逐卽顯貴者外相慕欲見之亦引避不肯前郡
邑大夫至不相面其篤慎如此恒有犯不較急
人之急親姻無問遠近推分樂施雖算器饋必
遍時時問請存諸故人以長者稱宗人有後母
私已出虐所遺孤行賄欲右之卽峻斥不顧隣
以盜金誤獄捕之曰奮難矜患是不在人哉我
其恤爲雪其枉且代之償人有以女來歸聞其
初嘗字矣貧故不能賴盟卽立遣之曰吾助爾

劉子威集

卷之四十五

二二

適嚮所遺爾不足耶且繼之其隱德行恕義恩
又若此喜與客飲歡呼流連客有能大駁者善
行酒者皆浮之使醕以此竟日馭僮奴能得其
力不爲苛使自饒而咸盡其用癸未上南宮不
利居常忽忽不樂明年疾遂革卒四月十七日
生嘉靖丁酉年四十有八配胡孺人子三人煙
邑諸生娶於徐予甥也煥娶周炫娶沈煥與炫
皆庶沈出孫男二孫女二俱煙出尚幼煙卜以
萬曆乙酉十二月四日葬於長洲魏家字圩之

新塋狀其事乞銘予雖未嘗獲接然知君矯厲
遠於俗敦行不忘無侈縱之以窘于年未有見
於時而志節足稱矣爲之銘曰

生於膏華而處約以敦已選於造士而履素以
責趾謂將復其始而中路以自弭物忌者美匪
蒲之視克勵徒爾急張且弛以彼其意遑途轍
之擬而焉往之足底嗟乎靡迤邁時之否隆埴
樂業黃壤之趾惟彼令聞卜世之累其後益起
君子有子於萬斯祀盍胡徵此

劉子威集

卷之四十五

二四

明工部郎中蔣公貳室李碩人壙志

蔣工部伯宣先生有遺孤女適造士查君之子
某女之母李孺人無子養於查遂以歿某爲之
衰且造予請曰孺人生則從其女終則女其殯
今日月有時將葬矣請爲志之予不得辭遂爲
之削牘曰按蔣之先世居具區之西爲吳巨室
伯宣舉進士授行人屢奉使不辱命進御史且
十年被斥任州郡吏以陟郎中工部始蔣娶於
徐爲侍郎公縉之姊其姊則李孺人衛尉能之